

國文科 九年級寒假作業：韻文背誦 班級：____座號：____姓名：____

天淨沙·秋 元 白樸

孤村落日殘霞，輕煙老樹寒鴉，一點飛鴻影下。青山綠水，白草紅葉黃花。

水仙子·詠江南 元 張養浩

一江煙水照晴嵐，兩岸人家接畫檐，芰荷叢一段秋光淡。看沙鷗舞再三，卷香風十里珠簾。畫船兒天邊至，酒旗兒風外颭。愛殺江南！

山坡羊·潼關懷古 元 張養浩

峰巒如聚，波濤如怒，山河表裏潼關路。望西都，意躊躇。
傷心秦漢經行處，宮闕萬間都做了土。興，百姓苦；亡，百姓苦！

梧葉兒·春日書所見 元 張可久

薔薇徑，芍藥闌。鶯燕語間關。小雨紅芳綻，新晴紫陌乾，日長繡窗閒。
人立秋千畫板。

金字經 元 馬致遠

夜來西風裏，九天鵬鶚飛，困煞中原一布衣，悲，故人知未知？登樓意，恨無上天梯。